

時病論卷之三目錄

春傷於風夏生殞泄大意

飧泄

洞泄

寒瀉

火瀉

暑瀉

溼瀉

痰瀉

食瀉

風痢

寒痢

熱痢

溼痢



噤口痢

水穀痢

休息痢

五色痢

擬用諸法

培中瀉木法

補火生土法

煖培卑監法

補中收脫法

通利州都法

清涼滌暑法

化痰順氣法

查麩平胃法

清痢蕩積法

溫化溼邪法



調中開噤法

調中暢氣法

備用成方

草窗痛瀉方

胃苓湯

四神丸

胃關煎

薑茶飲

香連丸

芍藥湯

蒼朮地榆湯

人參檮皮散

補中益氣湯

真人養臟湯

肉蓯蓉湯



臨證治案

飧泄誤爲食瀉

飧泄之病熱補得瘳

洞泄之病虛實兼治得效

便瀉剛逢經轉

傷食作瀉

小產之後偶沾風痢

風痢病一誤再誤

赤痢亦有屬寒溫補得愈

瘧痢兩作

痢下純血死證

實熱痢疾止瀉太早用下得瘳



高年噤口痢疾

痢久脾腎兩虛

休息痢誤認腸風

陰虛之體患五色痢



北京中醫藥大學圖書館版權所

時病論卷之三

安州劉賓臣先生鑒定

三衢雷 豐少逸手著

受業

新安程曦錦  
雲川江誠抱一

叅訂

春傷於風夏生飡泄大意

經謂春傷於風者乃即病之新感也。即二卷中傷

風冒風之證。今謂春傷於風夏生飡泄者。此不即

病之伏氣也。蓋風木太氣內通乎肝。肝木乘脾脾



氣下陷，日久而成泄瀉。經又云：邪氣留連，乃爲洞泄。此亦言伏氣爲病，可見飧泄、洞泄，皆由伏氣使然。然有寒瀉、火瀉、暑瀉、溼瀉、痰瀉、食瀉，雖不因乎伏氣，又不得不並詳之。蓋飧泄則完穀不化，洞泄則直傾於下，寒瀉則脈澀，溺白，腹中綿痛，火瀉則脈數，溺赤，痛一陣，瀉一陸，又有煩渴，面垢爲暑瀉，胸痞不渴爲溼瀉，或時瀉，或時不瀉，爲痰瀉，暖氣作酸，瀉下腐臭爲食瀉。泄瀉之病，殆於斯矣。靈樞



又云春傷於風夏生後泄腸澼腸澼者古之痢名也痢有風寒熱溼噤口水穀休息五色之分均宜辨治風痢者似腸風下血而有痛墜寒痢者下稀水而清腥腹中痛甚熱痢者如魚腦而稠黏窘迫而痛溼痢者色如豆汁胸悶腹疼又有下痢不食或嘔不能食名噤口痢糟粕膿血雜下者名水穀痢時發時止者名休息痢五色膿血相溷而下名五色痢痢證多端治宜分別復揣夏生後泄腸澼



之訓是獨指風痢而言其餘之痢在夏爲少在秋爲多而吾醫者又弗可膠於句下耳

飧泄

推飧泄致病之因乃風邪也木勝也寒氣也脾虛也伏氣也內經云春傷於風夏生飧泄又云久風爲飧泄據此而論因風邪致病又云厥陰之勝腸鳴飧泄又云歲木太過民病飧泄據此而論因木勝致病又云胃中寒則腹脹腸中寒則飧泄據此而論因寒氣

致病又云脾病者虛則腹滿腸鳴飧泄食不化據此而論因脾虛致病又云虛邪之中人也留而不去傳舍於腸胃多寒則腸鳴飧泄食不化多熱則溏出糜據此而論因伏氣致病總而言之良由春傷於風風氣通於肝肝木之邪不能條達鬱伏於脾土之中中土虛寒則風木更勝而脾土更不主升反下陷而爲泄也故經又謂清氣在下則生飧泄所以當春升發之令而不得發交夏而成斯證矣其脈兩關不調或

弦而緩腸鳴腹痛完穀不消宜以培中瀉木法治之  
如尺脈沉遲按之無力乃屬下焦虛寒寒則不能消  
穀而成是病宜以補火生土法治之倘脈細小而遲  
手足寒者不易治也勉以煖培卑監法治之倘日久  
穀道不合或肛門下脫乃元氣下陷也急以補中收  
脫法治之飧泄之病屬虛者多屬實者少如執治瀉  
不利小便之偏必致不起悲夫

或問曰諸賢論飧泄皆謂溼兼風也又謂溼多成五



瀉。又謂治溼不利小便，非其治也。今先生論中一無  
溼字，反謂偏利小便，必致不起，能不違悖古人乎？答  
曰：是病專論春傷於風之伏氣，所以論風而未及溼。  
如有溼邪相溷，卽有溼之見證，辨之明確，始可佐之  
通利。蓋殮泄下利清穀，乃屬脾土虛寒，不能運化而  
下陷，倘執通利趨下之方，豈非落窞而又下石哉？通  
篇皆本內經，何違悖之有？又問曰：先生謂殮泄乃屬  
脾土虛寒，所以下利清穀，殊未見醫統又云胃火由



火性急速。傳化失常。爲邪熱不殺穀也。指掌亦謂完穀不化。以火治之。由是觀之。又與先生之論不相符節。究竟以前人爲火乎。抑亦以先生爲寒乎。答曰。豐按內經而推。飧泄屬虛寒者固矣。醫統指掌皆謂爲火者。其實卽諸瀉中之火瀉也。須知寒與火極易明辨。如脈數苔黃。小溲熱赤。卽是屬火之瀉。否則便是虛寒。問者首肯而退。

洞泄

經云春傷於風夏生飧泄邪氣留連乃爲洞泄蓋因風木之邪留連既久木氣尅土則倉廩不藏而爲洞泄可見是病亦由伏氣所致也李士材曰洞泄一名濡泄濡泄因於溼勝此病非但因伏氣內留中氣失治亦有溼氣相兼致病也考其脈象軟緩乏力或關脈兼弦身重神疲肢體懈怠下利清穀小便短赤是也宜乎培中瀉木法加蒼朮澤瀉治之經曰腎脈小甚爲洞泄蓋腎爲胃關因腎虛失閉藏之職伏邪乘

虛而深陷也。宜乎補火生土法。加煨葛、荷葉治之。總之脾虛以補中爲先，腎虛以固下爲亟。風勝佐之，疎透。溼勝佐之，滲利。臨證之頃，神而明之，則旋踵之禍庶幾免焉。

程曦曰：觀飧泄、洞泄之論，總不離乎木氣尅土。故治洞泄皆仿飧泄之法。然其中之虛實當細別之。蓋飧泄因脾虛爲多，所以完穀不化。洞泄因溼勝爲多，所以體重溺紅，屬脾虛者不宜偏利，屬溼勝

者不宜偏補。斯二者皆當審其虛實而分治之。

### 寒瀉

寒瀉者因寒而致瀉也。不比飧泄洞泄皆屬春傷於風之伏氣。伏氣之瀉前二篇已詳晰矣。所有寒火暑溼痰食等瀉雖不因乎伏氣。然又不可不詳。蓋寒瀉致病之原。良由感受乎寒。寒氣內襲於脾。脾胃受寒則陽虛。虛則不司運用。清陽之氣不主上升。反下陷而爲便瀉。故所下澄澈清冷。儼如鴨糞。腹中絛痛。小



便清白脈來緩怠近遲。此宜煖培卑監法去西潞益  
智。加木香查炭治之。書又云。寒瀉卽鶩瀉。以其瀉出  
如鴨鶩之糞也。又謂鴨瀉者。溼兼寒也。若有溼證所  
著。宜佐化溼之藥。隨其證而加減可也。

### 火瀉

火瀉卽熱瀉也。經云。暴注下迫。皆屬於熱。暴注者。卒  
暴注瀉也。下迫者。後重裏急也。其證瀉出如射。糞出  
穀道。猶如湯熱。肛門焦痛難禁。腹內鳴響而痛。痛一

